

**CONVENIO DE COLABORACIÓN ENTRE A AXENCIA TURISMO DE GALICIA E
FORMALAR ENSINANZAS MEDIAS LAR, S.L. PARA A REALIZACIÓN DE
PRÁCTICAS ACADÉMICAS EN OFICINAS DE TURISMO DEPENDENTES DA
AXENCIA TURISMO DE GALICIA**

Santiago de Compostela,

REUNIDOS

Dunha parte, Dña. M^a Nava Castro Domínguez, directora da **Axencia Turismo de Galicia**, en virtude do seu nomeamento polo Decreto 159/2016, do 24 de novembro (DOG núm. 226, do 25 de novembro) e de conformidade coas facultades que lle confire o artigo 5 do Decreto 196/2012, de 27 de setembro, polo que se cre a Axencia de Turismo de Galicia e se aproban os seus estatutos, que desconcentra na persoa titular da Dirección da Axencia a competencia para subscribir convenios de colaboración no seu respectivo ámbito competencial, en nome e representación da Axencia Turismo de Galicia, con C.I.F. núm. Q1500394-J, e con domicilio social en, Estrada Santiago-Noia, km. 3, 15987 A Barcia, Santiago de Compostela.

Doutra banda, Rodrigo Manuel Salgado Pomboen representación da entidade **FORMALAR-EE.MM LAR S.L.** con CIF B-36299451 e domicilio en Avenida del Rebullón, 21 en Puxeiros-Mos (Pontevedra).

Ambas as dúas partes recoñécense capacidade legal suficiente para a celebración deste Convenio de Cooperación Educativa para a realización de prácticas académicas, polo que

EXPOÑEN

I.- Que a Axencia Turismo de Galicia, segundo o Decreto 196/2012, do 27 de setembro, polo que se crea a Axencia de Turismo de Galicia e se aproban os seus estatutos é a entidade da Xunta de Galicia á que lle corresponden o exercicio, entre outras, das competencias en materia de coordinación, impulso, xestión e execución das actividades promoción do turismo. Para lograr esta finalidade Turismo de Galicia acomete, no ámbito das súas competencias, un decidido apoio á promoción e fomento do sector turístico de Galicia. No exercicio das súas funcións, correspóndelle executar as medidas definidas para a promoción e fomento do sector turístico de Galicia, levar a cabo plans e programas de acción e colaborar no desenvolvemento de actuacións que lle permitan acadar os seus obxectivos.



II.- Que a entidade FORMALAR-EE.MM. LAR S.L. é beneficiaria dunha subvención para a realización dun proxecto no marco da Orde do 7 de marzo de 2017 (DOG núm. 59, do 24 de marzo) pola que se establecen as bases reguladoras e se procede á convocatoria pública de subvencións para a programación de accións formativas dirixidas prioritariamente ás persoas desempregadas na Comunidade Autónoma de Galicia, correspondente aos exercicios 2017 e 2018 e que dito proxecto contempla a realización de prácticas non laborais en empresas.

III.- Que é vontade da Axencia Turismo de Galicia e FORMALAR-EE.MM. LAR S.L. facilitar a integración laboral dos alumnos, e para iso conveñen facilitar a realización de prácticas na devandita empresa, segundo as seguintes

CLÁUSULAS

Primeira. – Obxecto

O obxecto deste convenio é establecer as condicións básicas para que os/as alumnos/as da acción formativa Módulo de Prácticas – MP0020, incluído dentro do Certificado de Profesionalidade Promoción turística local e información ao visitante-HOTI0108 que imparte FORMALAR-EE.MM. LAR S.L. desde o 07/11/2017, cunha duración de 708 horas e subvencionada pola Consellería de Economía, Emprego e Industria e o Ministerio de Emprego e Seguridade Social, realicen prácticas incluídas no programa formativo da acción na OFICINA DE INFORMACION TURÍSTICA DE VIGO quedando autorizadas as mesmas, por parte da Axencia de Turismo de Galicia.

A realización destas prácticas externas ven regulada na seguinte normativa:

- Real Decreto 34/2008, de 18 de xaneiro, polo que se regulan os certificados de profesionalidade, publicado no BOE nº 27 do 31 de xaneiro de 2008.
- Real Decreto 1376/2008, de 1 de agosto, polo que se establecen dez certificados de profesionalidade da familia profesional Hostalería e Turismo que se inclúen no Repertorio Nacional de Certificados de Profesionalidade”, publicado no BOE nº 216 do 6 de setembro de 2008.
- Real Decreto 1675/2010, do 10 de decembro, polo que se modifica o Real Decreto 34/2008, do 18 de xaneiro, polo que se regulan os certificados de profesionalidade e os



reais decretos polos que se establecen certificados de profesionalidade ditados na súa aplicación.

- Orde ESS/1897/2013, de 10 de outubro, pola que se desenvolve o Real Decreto 34/2008, de 18 de xaneiro, polo que se regulan os certificados de profesionalidade e os reais decretos polos que se establecen certificados de profesionalidade ditados en súa aplicación, publicado no BOE nº 249 do 17 de outubro de 2013.
- Orde do 29 de decembro de 2015 do DOGA do 30 de decembro de 2015, pola que se regula a programación de accións de formación profesional para o emprego do Plan Nacional de acción para o emprego na Comunidade Autónoma de Galicia.
- Orde do 7 de marzo de 2017 da Consellería de Economía, Emprego e Industria, pola que se regula e pola que se establecen as bases reguladoras e se procede á convocatoria pública de subvencións para a programación de accións formativas dirixidas prioritariamente ás persoas traballadoras desempregadas na Comunidade Autónoma de Galicia, corresponde aos exercicios 2017 e 2018.

SEGUNDA.- PROGRAMA DE PRÁCTICAS ACADÉMICAS EXTERNAS

O programa de prácticas académicas externas en Turismo de Galicia cumprirá as seguintes características:

- Os alumnos DE FORMALAR-EE.MM. LAR S.L poderán realizar prácticas na oficina de Información Turística dependente de Turismo de Galicia en Vigo.
- A duración das prácticas deberá axustarse á lexislación vixente e á normativa complementaria.
- O horario de prácticas procurará, en todos os casos, a adaptación cos horarios lectivos para que o alumno/a teña as maiores facilidades na súa práctica académica externa e na continuación dos seus estudos.
- Por cada estudante que realice as prácticas formativas na entidade colaboradora asinarase un documento segundo o modelo normalizado no anexo no que deberán constar as datas de realización das prácticas e o horario e os titores asignados.
- Os riscos de accidente ou enfermidade dos alumnos serán cubertos en todo caso polo Seguro Escolar, polo que Turismo de Galicia non se fai responsable dos devanditos riscos.





- Con anterioridade á sinatura do convenio o alumno/a asinará un documento onde manifeste o seu compromiso de gardar confidencialidade sobre aqueles asuntos dos que teña coñecemento por razón de servizo durante a realización das súas prácticas e recoñeza que non existe vinculación laboral de ningún tipo coa Axencia de Turismo de Galicia nin obriga de contratación posterior por parte desta.
- FORMALAR-EE.MM. LAR S.L dispón dun seguro de accidentes dos alumnos e dunha póliza de seguro de responsabilidade civil para facer fronte aos riscos que para os bens e persoas poidan derivarse da realización das devanditas prácticas, e que se compromete a ter formalizados os mesmos con anterioridade ao inicio das prácticas.
- A oficina de información turística de Vigo cumpre coa normativa en prevención de riscos laborais.
- A oficina de información turística reúne as condicións adecuadas para a realización das prácticas.

TERCEIRA.- TITOR/A

O Centro de Formación poñerá un/a titor/a de prácticas ao servizo do alumno. Turismo de Galicia designará un titor para o seguimento e avaliación das prácticas.

Ao remate do período de prácticas, Turismo de Galicia emitirá unha certificación na que se fará constar a duración, as actitudes e o contido das prácticas realizadas asinado polo titor/a. A certificación deberá asinarse ademais por ambos os dous titores, segundo establece o artigo 25 da Orde 1897/2013, de 10 de outubro.

CUARTA.- PROTECCIÓN DE DATOS

FORMALAR-EE.MM. LAR S.L é a entidade colaboradora comprométense a cumprir coa Lei Orgánica 15/1999, do 13 de Decembro, de Protección de Datos de carácter Persoal (LOPD) e de normativa de desenvolvemento, en concreto no Real Decreto 1720/2007, do 21 de Decembro, polo que se aproba o Regulamento de desenvolvemento da LOPD.

En caso de que, en virtude do presente convenio, calquera das partes comunique á outra datos de carácter persoal, a entidade cedente expresamente manifesta e garante á cesionaria que cumpre coa totalidade das obrigas e previsións contidas na LOPD e na normativa de desenvolvemento desta, con respecto aos devanditos datos.



QUINTA.- CONSIGNACIÓN ORZAMENTARIA

Pola realización das prácticas, nin FORMALAR-EE.MM. LAR S.L nin o alumno/a recibirán ningunha subvención nin contraprestación por parte da Axencia Turismo de Galicia.

A sinatura deste convenio non implica polo tanto, asunción de obrigas económicas para a Axencia Turismo de Galicia.

SEXTA.- DISPOSICIÓN COMÚN

De conformidade co establecido na normativa en que se fundamenta este Convenio, o período de prácticas non constituirá, baixo ningún concepto, relación laboral entre o alumnado e Turismo de Galicia nin con FORMALAR-EE.MM. LAR S.L. En ningún caso derivaranse obrigas propias dunha relación laboral ou contractual de conformidade coa normativa vixente. Por conseguinte, as prácticas do estudante en ningún caso terán carácter laboral, quedando expresamente excluídas da lexislación laboral.

SÉPTIMA.- COMISIÓN MIXTA DE SEGUIMIENTO

Constitúese unha Comisión Mixta de Seguimento e Control do presente convenio, formada por dous representantes de FORMALAR-EE.MM. LAR S.L e dous de Turismo de Galicia.

Así mesmo, esta Comisión resolverá as cuestións litixiosas que puidesen xurdir na aplicación do presente convenio sendo os acordos por esta adoptados inmediatamente executivos. Será Presidente da Comisión un representante da Axencia Turismo de Galicia.

OITAVA.- NATUREZA XURÍDICA E XURISDICIÓN COMPETENTE

Este convenio ten natureza administrativa, sendo competente para entender dos litixios que puidesen xurdir respecto da súa interpretación e execución a xurisdición contencioso-administrativa, e queda fóra do ámbito da Lei 9/2017, de 8 de novembro, de contratos do sector público.

As cuestións litixiosas que xurdan con respecto á interpretación, modificación, resolución e efectos do presente Convenio serán resoltos en primeira instancia pola Comisión de



Seguimento. Os conflitos que poidan xurdir polas partes e que non poidan ser resoltos na comisión serán resoltos pola xurisdición contencioso-administrativa.

NOVENA.-ENTRADA EN VIGOR E VIXENCIA DO CONVENIO

Este convenio empezará a producir os seus efectos a partir da data da súa sinatura e estenderá a súa vixencia ata o **31 de decembro de 2018**.

Non obstante, antes do remate do prazo previsto se as circunstancias o fan aconsellable, as partes por unanimidade poderán acordar a súa prórroga polo período estritamente necesario e sempre dentro do límite máximo de ata catro anos adicional establecido na Lei 40/2015, de 1 de outubro, de réxime xurídico do sector público. A prórroga acordarse por escrito.

DÉCIMA.- PUBLICIDADE E REXISTRO DO CONVENIO

Así mesmo estarase ao disposto no artigo 15 da Lei 1/2016, do 18 de xaneiro, de transparencia e bo goberno, sobre as obrigas específicas de información sobre convenios. A sinatura do convenio leva implícita a autorización para o tratamento necesario dos datos e a referida publicidade.

Asemade procederase a inscrición do convenio no Rexistro de Convenios, de conformidade co establecido no artigo 5 do Decreto 126/2006, do 20 de xullo, polo que se regula o Rexistro de Convenios da Xunta de Galicia.

DÉCIMO PRIMEIRA.- AUTORIZACIÓN E CONSENTIMENTO PARA QUE SE PUBLIQUEN OS DATOS PERSOAIS E DEMAIS ESPECIFICACIÓNS QUE FIGURAN NO CONVENIO

As partes asinantes autorizan e consenten a publicidade dos seus datos persoais e demais especificacións recollidas no presente instrumento de colaboración no Portal da Transparencia e Goberno Aberto.



Segundo o artigo 15 da Lei 1/2016, de 18 de xaneiro, ademais da información que debe facerse pública segundo a normativa básica en materia de transparencia, a Axencia Turismo de Galicia publicará o texto íntegro do convenio.

E en proba de conformidade, asínase o presente convenio no lugar arriba indicado.

Pola Axencia Turismo de Galicia

Por FORMALAR-EE.MM. LAR S.L

A directora de Turismo de Galicia

O director

M^a Nava Castro Domínguez

Rodrigo Manuel Salgado Pombo



ANEXO I

RELACIÓN NOMINAL DE ALUMNOS QUE REALIZARÁN PRÁCTICAS ACADÉMICAS NA AXENCIA TURISMO DE GALICIA SEGUNDO SE RECOLLE NA CLÁUSULA SEGUNDA DO CONVENIO ASINADO ENTRE A AXENCIA TURISMO DE GALICIA E A FORMALAR-EE.MM. LAR S.L.

CURSO:

ALUMNO/A (apelidos e nome)	D.N.I.	PERÍODO DE PRÁCTICAS	HORA S	LUGAR DAS PRÁCTICAS	TITOR

Santiago de Compostela, de de 2018

Pola Axencia Turismo de Galicia

Por FORMALAR-EE.MM. LAR S.L

A directora de Turismo de Galicia

O director

M^a Nava Castro Domínguez

Rodrigo Manuel Salgado Pombo

